

月方子

卷七

西莊文庫



星吾七十歲小象



金

虛堂和尚語錄目錄

卷上 六十七紙

興聖

報恩

顯考

瑞岩

延福

寶林

卷中 五十四紙

育王

栢岩

淨慈

徑山

法語

序跋

真慧

普說

卷下 七十五紙

頌古

代別

佛祖贊

禮祖塔

小佛事

偈頌



大德

對

後錄六十一紙

續輯

淨慈

徑山

偈頌

小佛事

語跋

真贊

新添

目錄終

嘉興府興聖禪寺虛堂和尚語錄

參學

妙源

編

嘉興府請疏

朝請即知嘉興軍府兼管學事兼管內勸農公事借紫楊璘撰

右伏以者寺不是尋常為

孝宗聖跡去處諸山皆生懽喜丞相公鈞旨請來當

此住院人要箇作家漢伏惟新命虛堂愚公禪師道

謙聲實為仰工夫法法無心湛鄞水一輪之月句句

有眼高比山半嶺之雲正宜重取戒香定香解脫香

便來坐斷佛界魔界眾生界矧惟

御殿肅閣梵坊指意皇覺之莊嚴身副清朝之崇奉

寺

龍才道明招謙

臣子義重菩薩願宏請師提起九帶禪為我祝延
 兩宮壽垂虹橋畔爭看動地放光冷泉亭邊切莫停
 車卻步謹疏
 諸山勸請疏

在城住持報恩光孝禪寺嗣祖比丘別浦法舟撰
 祖臨際師連庵聲名透徹辭廣覺住興聖去取分明
 足張吾軍無愧衲子恭惟新命虛堂和尚得直實諦
 現清淨身與其南北兩山閑為霧隱孰若東西二浙
 高作雷鳴况此龍宮實當虹渚大丞相親曾問我
 邦君不妄予人速來速來希有希有聞止向前作禮
 在豐干豈饒舌之人黃梅勉為下山代馬祖說非心

之偈

師紹定二年五月一日在靈隱受請入寺陞堂祝
 聖畢就座僧問呼猿洞口無心卧月眠雲長水紅頭
 正好拋綸擲釣只如靈山密付還許學人咨叅也無
 師云崑崙嚼生鐵僧云與麼則把斷要津去也師云
 將謂你是箇出廐良駒僧噓一聲便禮拜師云果然
 乃云大機圓應大道無方去來不以象擬轉虛空動
 靜不以心當軒太坐兵隨印轉將逐符行遇物應緣
 隨處作主直得嘉禾合穗秀水朝宗鳳凰來儀麒麟
 現瑞發揮西來祖意成就興聖門庭雖然如是畢竟
 以何為驗良久一氣不言含有無方靈何處謝無私

住

解夏

復舉三聖道我逢又則出出則不為人與化道我逢
 又則不出出則便為人師云二大老一人向占波國
 裏打鼓一人向大食國裏作舞若要扶樹臨際正宗
 大似接竹點月山僧今日出世亦無禪道佛法為人
 只一味有口喫飯忽有箇漢出來道謝和尚指示拈
 主丈便打何故一不做二不休不風流處也風流
 上堂舉龍濟示眾道是柱不見柱非柱不見柱是非
 已去了是非裏薦取卓主丈問道莫行山下路果然
 猿叫斷腸聲

解夏小叅靈山結夏結本不曾結與聖解夏解亦不
 曾解解結既無拘去來無作相所以道以大圓覺為

我如蓋身心安居平等性智唱一唱者草索子諸方
 共用底只如入花街穿柳巷波波擊擊過了九旬刻
 期取證又作麼生唱一唱國有憲章三千條罪
 復舉文殊三處度夏公案師云迦葉當時性燥下得
 一推莫道文殊三處度夏直饒黃面老子別有神通
 也須臾明著地

次日上堂秋風浙浙秋水泠泠千辛万苦負笈擔簦
 張公挨了李家店草舍茅庵短作程

知府吳狀元蠶蘆租公擡立石上堂拈主丈云黃面
 老漢末上遭他向雪山深處六年擡脚不起自後三
 百六十餘會說盡葛藤終是解法不出達磨大師自

除夜

送窮
引鬼

西天歷十萬里水雲而至此土故是不著便無端信
脚踏著枝葉轉生誰知二千年後累及與聖寺裏籬
垣壁倒道絕人荒率而風雲際會有力量人不施寸
刃削草除根便見坐致太平高歌舜日然雖如是且
道有何憑據卓主丈公驗分明
除夜小參灰寒火冷家家爆竹送窮臘盡春回處處
燒錢引鬼三百六十日交頭結尾別展生涯二千年
帶貨不行重新增價楮拙火村田樂露地牛不勞拈
出金剛圈栗棘蓬鐵酸賺正好施呈南來北往吞
無門鶻眼鷹睛恁生唾嗽興聖恁麼告報早是按下
雲頭何故江南地暖塞北天寒

元宵

師復云諸方身龍肝鳳髓我此間荒涼無可供養向
深山崑崖人跡不到處拾得一物颺在無事甲中多
年矣今夜盡情拈出與諸人分歲卓主丈一下切
渾侖吞

元宵上堂人間燈天上月有明有暗有圓有缺底事

貪觀心未歇與聖室內無油免得證龜作鼈

中秋上堂金風吹落葉玉露滴清秋耐寒山子無

言笑點頭且道笑箇甚麼擊拂子既能明似鏡何用

曲如鉤

上堂天晴蓋却屋乘時刈却禾輸納皇租了鼓腹唱

謳歌師云洞山可謂高枕無憂世平坐在者真與聖

傳出千會元

經堂大年三月

今日亦下手蓋屋只是未納官賦還與古人有相見

分麼卓主丈惜乎坐在者裏公儀之羊真

上堂舉揚岐示眾薄福住揚岐年來氣力衰寒風凋

敗葉猶喜故人歸囉囉哩拈起死柴頭且向無煙火

師云揚岐和尚慣得其便爭奈美食不中飽人先生之初

歸新方丈上堂松花荷葉椽栗蹲鴟驅虎豹而聚禪

徒坐荆棘而興寶所此是前輩住持樣子與聖薄緣

道不及舌二百日內區區役役勞我諸人成此文室

今日遷歸如何受用卓主丈一下有心排佛祖無良

笑諸方

徑山倫藏王至上堂無義漢誰識你口吃耳聾驢幼

到底一氣轉一截是非終難洗大法下衰汗人唇齒

上堂削圓方竹杖輓却紫茸氈是你衲子尋常用處

只如月波樓跳入螭頭眼裏千聖小王怒發將鷲鷲

湖一脚踢翻又作麼生

冬至小叅天地不仁以萬物為芻狗衲僧不仁以自

己為臘月扇子所以儻儻侗侗日用而不知直得古

風再振大朴全彰及乎一氣不言發自九淵之底初

爻無象肇為萬化之宗依舊仲冬嚴寒又見果州飯

布作麼生得不落遷變去嗚咿嗚咿只可自知

復云諸方今夜堆盤滿飯此間闐闐揍揍半青半黃

且教諸人吞吐不下何故鄭州梨青州棗万物無過

出處好

上堂盡乾坤之內無有一人發真歸元盡乾坤之內
無有一人知佛法名字直得堯風蕩蕩舜日輝輝野
老謳歌漁人鼓柁會麼喝一喝取生也

歸新修僧堂上堂石霜坐枯千眾已見未忘南泉牽
牛巡堂乞兒鬪富與聖古屋一旦鼎新坐卧經行各
宜記取且道記取箇甚麼喝一喝

上堂槿花凝露梧葉鳴秋遇景觸物隨分知羞卓主
丈住住諸方聞得道我說老婆禪

中秋上堂一年有十二箇月每月一度團圓其餘盡
是缺中間晦明出沒太半有不見者惟有今宵分外

皎潔無物堪比倫敦我如何說

上堂舉趙州因僧問學人乍入叢林乞師指示州云
喫粥了也未僧云喫粥了也州云洗鉢盂去其僧
省師云趙州有運斤之手者僧具就斲之資雖然也
是就地彈雀 何日無伎倆

結夏上堂天下禪和今朝盡入野狐窟裏做伎倆山
僧雖則退水截鱗終不向鷺股割肉

上堂舉雪竇春山疊亂青春水漾虛碧冥冥天地間
獨立望何極乳峰年老思鄉東望西望與聖豈不知
道春波門外有水無山尋常只是不能望得何故路
途雖好不如在家

結夏
上堂
手就斷資

秋

堂

本分家師

上堂續見截鶴夷嶽盈壑衲僧家如油入麵還知招
寶山把等子秤麼知得南海東頭底許你商量不然
市塵即店不得耳語

上堂莫春者春熙既成冠者五六人童子六七人浴
乎沂風乎舞雩詠而歸夫子喟然嘆曰吾與點也師
云隔牕看馬騎故有之衲僧家著黑不護黑柱終不
向你道依稀松屈曲髮髯石爛斑

受報恩辭衆上堂流虹七載黃緣盡又向天寧埋債
窠脫得驢胎入馬腹皮毛輕重不爭多

興聖語錄終

興聖寺遺院
今住報恩寺
興聖報恩寺之俗名也

嘉興府報恩光孝禪寺語錄

參學

可宣

編

師入寺陞堂祝 聖畢次拈香云此香願在無量日

裏多年矣今日貧時思舊債未免拈出供養前住安

吉州護聖萬歲禪院先師運庵和尚用酬法乳

師就座僧問金鷄唱曉玉鳳啣花朝蓋臨筵請師祝

聖師云獨角麒麟登海嶼九包鸞鳳舞神山僧云三

聖道我逢久則出出則不為久此意如何師云掘地

深埋僧云興化道我逢久則不出出則便為人又作

麼生師云釣絲絃水僧云只如判府侍郎請和尚開

堂演法相送入寺有何祥瑞師云恐動一城人僧云

還有為入處也無師云獨有你皮下無血僧云不因
夜來鴈爭見海門秋便禮拜

師乃云黃葉遮門主丈子不打者死漢蘆花擁膝瞎

驢兒有甚生涯大都法未忘情是以隱而彌露普化

紅塵堆裏盤山猪肉案頭發揮靈鷲雄機顯未少林

客昔然雖如是山僧尋常不曾與人破口道箇不字

今日事不獲已抑下威光普請諸人同證塵中佛事

卓主文是即是只是不合踏步向前

復舉王常侍訪臨際問云者一堂僧還看經否際云

不看經又問還習禪否際云不習禪侍云經不看禪

不習作箇甚麼際云捻教伊成佛作祖去侍云金屑

雖貴落眼成翳師云好一局其黑白已分只是末後
一著無人知得落處

當晚小叅作麼生與諸人相見若作世諦相見

已畢若作佛法相見問答已周况衲僧家眉如箭籬

眼似銅鈴未舉先知未話先領說甚麼相見不相見

雖然山僧乍到此間不知井竈向背門限高低未免

從頭問過何故彼此要知

復舉法燈示眾本欲深藏嵩壑隱道過時奈清凉老

人有未了公案出來與他了却時有僧出問如何是

未了公案燈便打云祖祢不了殃及兒孫師云法燈

放去太奢收來太狹者僧身挨白刃義氣薄雲檢點

將來依然未了山僧住箇小院七年拖泥帶水手脚未乾今日乍領報恩人事倥偬若是未了公案不敢拈出何故恐屈辱先師

次日為徽宗皇帝上堂古佛過去亦久矣不知何處應羣生紫金光聚人難覩空裏惟聞仙樂鳴

上堂報恩有三件不如諸方第一說到行不到第二行到說不到第三勸卓主丈人貧智短馬瘦毛長

上堂舉揚岐問慈明幽鳥語喃喃辭雲入亂峰時如何明云我行荒草裏汝又入深村岐云官不容針更

借一問得麼明便喝岐云好一喝明又喝岐亦喝明連喝兩喝岐便禮拜師云下喬木入幽谷養子之緣

慈明為甚麼連喝兩喝

上堂主丈子尋常口吧吧地道我能縱能奪能殺能活及問他遠法師因甚不過虎溪便道不得且道病在那裏

上堂溪林葉墮塞雁聲寒見成公案大難大難百雜碎鐵團圓和風搭在玉闌干

冬至小參天寒人寒針頭削鐵滴水滴凍盡餅充飢丹霞燒木佛餓狗嚙枯體鏡清不展單胡餅裏覓汁

從上老漢既把不定未免隨時逐節便見陰消陽長小去大來暖律飛灰繡紋添線只如無陰陽地還有遷變也無卓主丈月似彎弓少雨多風

鏡清不展單

冬至

復舉洞山冬夜喫菓子次問耒首座有一物黑似漆常在動用中動用中收不得過在甚麼處耒云過在動用中山令侍者掇退菓卓師云盡道金地招手江陵點頭殊不知長蛇偃月未見輪贏檢點得來劍去又矣

天基節上堂南嶽七十二峰華頂萬八千丈瞻之無際仰之無垠以此無窮數用祝 聖明君

佛成道上堂一曰日一時時逗到臘八夜眼上錯安眉東西不辨南北狐疑從教万古紫風吹

上堂舉臨際令侍者傳語德山侍云德山要打人際云汝但去待伊拈棒接住與一送管取不打你侍依

所教果然不打歸舉似臨際際云我從來疑著者漢師云盡謂德山只解淺水張鱗不能深潭下釣殊不知臨際父子被德山埋在荒草堆頭至今擡身不起上堂拈拄丈若恁麼諸方決定不肯不恁麼各自檢責者恁麼不恁麼擯鼻視滌酒器底報恩有箇方便諸人還甘也無良久靠拄丈

除夜小叅拈拄丈未有世界未有佛祖便有者拄丈子礙東礙西及乎世界成立佛祖出興依舊鱗鱗皴皴栗栗榔榔德山借他鼻孔出氣芭蕉齒豁不覺漏風致令天下禪和箇箇隨他脚後跟轉年窮歲盡不解轉身只因節自不分落在報恩手裏我也不能勘

辨得你只要諸人知道三陽交泰萬彙咸亨脫或未
然以主文畫一畫大衆退後

復舉香林因僧問萬頃荒由是誰為主林云看看臘
月盡師云香林雖能坐致太平要且不通物義有問
報恩萬頃荒由是誰為主一氣走五百里更不回頭
何故似者般時節誰敢攬攬許多田地

元宵上堂好一椀燈只是無人東挑西剔若剔得分
明前街後巷碧綠青紅都是眼中屑且道是那一椀
上堂舉雪峰嵩頭欽山往河北禮拜臨際路逢定上
座峰云臨際和尚健否定云已遷化了雪峰嵩頭相
顧太息復問尋常有何言句示徒定云赤肉團上有

一無位真人常在諸人面門出入未證據者看看欽
云何不道非無位真人定擒住云無位真人與非無
位真人相去多少速道速道欽山色動不能對雪峰
嵩頭勸解定云若不省者兩箇老凍膿面壁殺你者
屎床鬼子師云定上座雖則對物收稅爭奈雪峰嵩
頭何有人緇素得出換盞點茶供養你

請首座上堂玉在石則溫珠在淵則媚正人在叢林
則綱自正法令嚴應機通變以毒藥為甘露以無明
當慈悲要見此人麼卓主丈下座與大衆拜請甘露
和尚歸第一座

上堂舉南泉因趙州問知有底人向甚麼處去泉云

山前檀越家作一頭水牯牛去州云謝師答話泉云
昨夜三更月到牕師云王老師救手刀子雖利被趙
州用減竈法幾乎打破蔡州

佛涅槃上堂釋迦老子二千年前做一箇夢至今未
醒引得兒孫向夢中說夢狐魅後人報恩寡不敵衆
只得換手推曾道蒼天蒼天

上堂舉靈雲見桃花悟道頌玄沙道諦當甚諦當敢
保老兄未徹師云一人先行不到一人未後太過報
恩尋常眼見鼻孔何故春風幾度落紅雨深淺何曾
著眼看

上堂德山棒如雨點要且打不得皮下無血底臨際

喝似雷奔要且喝不得耳朶無聰底直饒打得悟喝
得省報恩未必橫點頭何故知我罪我

上堂舉黃昏脫襪打睡晨朝起來旋繫行纏夜來風
吹籬倒知事曾請奴子劈篋縛起師云諸方盡謂舜
老夫坐在無事甲裏那知三冬枯木花九夏寒山雪

結夏小叅僧問德山小叅不答話有問話者三十棒

此意如何師云畫虎成狸僧云趙州小叅要答話有

問話者置將一問來又作麼生師云撓鈎搭索僧云

趙州德山用處莫止一般麼師云鬼爭漆桶僧云牛

頭未見四祖時為甚百鳥嚙花獻師云武陵春色早

臺榭綠陰多僧云見後為甚百鳥不嚙花獻師云破

鏡不重照落花難上枝僧云只如學人今夏依附和
尚有何方便師云鹿粥淡飯隨分過時僧云若不登
樓望焉如滄海深師云賊是家親

乃云形聲未兆積岳堆山言跡纔章難尋影響所以
釋迦掩室於摩竭淨名杜口於毘耶以致西天四七
唐土二三天下老凍膿用盡機關無插手處只得平
高就下以二千年前用不著底斷貫穿天下衲僧鼻
孔謂之禁足護生剋期取證愈見狼藉報恩修行無
力未免隨例顛倒去也卓主丈不因射鵰手誰識李
將軍

復舉亦祖因僧問黃梅意旨是甚麼人得祖云會佛

法人得僧云和尚還得否祖云不得僧云為甚不得
祖云我不會佛法師云高山流水子期故善聽之雖
然三十年後有人罵報恩在

次日上堂呵釋迦叱彌勒衲僧家氣宇如王為甚麼
今朝草繩自縛擊拂子覓火和煙得擔泉帶月歸

上堂舉藥山久不上堂知事云大眾久思和尚示誨

山云打鐘著衆方集山便掩却門知事云既許與大

衆上堂為甚麼一言不施山云經有經師論有論師

爭恠得老僧師云古人為物傷慈於中有失者僧當

時纔見掩門便就地上畫一圓相各自散去管取藥

山開門不得

徽宗皇帝大忌上堂聖人無已靡所不已總塵刹無
不是差之豪釐失千里僊仗飄飄去不還從教六合
清風起

上堂舉南泉住庵時一僧到泉云我上山作務齋時
做飯喫了送一分來其僧飯了將家事一時打碎就
床上卧泉伺久不來遂歸見僧卧泉亦卧僧便起去
泉住後云我住前住庵時有箇靈利道者至今不見
師云王老師若不顧錐頭利者僧要起去未得雖然
石壓筭斜出岸懸花倒生

上堂舉洞山因僧問寒暑到來如何回避山云何不
向無寒暑處去僧云如何是無寒暑處山云寒時寒

殺開梨熟時執殺開梨師云當時者僧但冷笑一聲
管取洞山隱身無路

上堂始見安居又逢中夏孜孜矻矻底鬼神莫測其
由槩槩槩底佛祖辨他不出報恩門下還有此人
麼家無白澤之圖

上堂舉寒山子因衆僧後茹次將茹弗向一僧背上
打僧回首山呈起茹弗云是甚麼僧云風顛漢山却
向傍僧云你道者僧費多少鹽醬師云欺敵者二者
僧還甘麼報恩若見他呈起茹弗道是甚麼復作聽
勢擬議奪茹弗便打

上堂五祖凡示眾東邊掉一句西邊掉一句大似蕪

柴桌

式節目多見

重喫又六嘆作揚岐正傳東山暗號殊不知法出處
生事必多變

上堂舉世尊一日陞座眾集定丈殊白推云諦觀法
王法法王法如是世尊便下座師云是則是只是舉
推較重此子

請監收上堂無生田地有種有收時節到來自然成
熟衲僧家開著口少他一時子不得若非本色人難
以絕滲漏且那箇是本色人卓主丈公

解夏小叅僧問三月安居今已滿九旬功用事如何
師云眼前依舊急紛紛僧云西夫以臘人為驗著甚
死急師云者漆桶僧云謝指示師云黃連未是苦

乃豎拂子云恁麼則易不恁麼則難恁麼則易有結
有解把纜放舡不恁麼則難有始有終無事不辦諸
方逼生蚕作繭特牛產兒我者裏買帽相頭隨家豐
儉不覺也過了一夏來朝解開布袋各自你東我西
前程忽有人道著報恩爺名不須諱却何故擊拂子
秋風吹渭水落葉滿長安

復舉昔有老宿一夏不為師僧說話有僧嘆云我只
麼空過一夏不敢望和尚說佛法得聞正因二字也
得老宿問云闍梨莫斯遠若論正因一字也無道了
扣齒云我無端恁麼道鄰壁有老宿聞云好一金錢
被兩顆氣糞汗却師云三箇擔板漢一箇較此子報

惠一頁... 鼓待推佛法二字無人問著何故不因入
水爭見長人

次日上堂行住坐卧四威儀中常有一處險只是諸
人檢點不出若檢點得出許你是箇天津橋上漢若
檢點不出九十日內枉費精神且道那箇一處卓主
丈險險

上堂舉雲門因洞山到問近離甚處山云查渡門云
夏在甚處山云湖南報慈門云幾時離彼山云八月
二十五門云放汝三頓棒山次日問昨日蒙和尚放
三頓棒不知過在甚處門云飯袋子江西湖南便
與麼去山於言下有省師云見亡執謝方為本色衲

頓八
二十日頓三頓棒
六十棒

僧洞山錯何似雲門錯

上堂舉趙州因僧辭州云甚處去僧云諾方學佛法
去州云有佛處不得往無佛處急走過三千里外逢
人不得錯舉僧云與麼則不去也州云摘楊花摘楊
花師云神臂弓由基箭趙州用之無不中的爭奈者
僧是赤眉隊裏來

神臂弓

謝南禪雲峯和尚并維那上堂道人相見如雲升空

如水走壑品藻張鬪子領下無鬚罵詈諸方擣濕穀

喫飯忽有箇漢出來道低聲低聲新維那令嚴不要

說人長短山僧只得休去何故禹力不到處河聲流

向西

謝南禪雲峯和尚并維那

上堂與漢化見同參來纔上法堂化便唱僧亦唱化
又唱僧又唱化拈棒僧又唱化云你看者漢猶作主
在僧擬議化便打侍者云適來者僧有甚觸忤化云
是他也有權也有實也有照也有用我將手向他面
前橫兩遭便去不得似者般瞎漢不打更待何時師
云劔刃上走馬火燄裏藏身與化明下不為分外無
端被者僧放却却向侍者處翻本
上堂汝諸人盡被聲色所轉何不敲聲未動來法堂
前行一兩遭雖然報恩更點火照你面在
開爐上堂舉丹霞燒木佛師云丹霞如虫禦木院主
偶爾成文報恩今日開爐且無木佛可燒只有此無

明火常在諸人面前日短夜長各自照顧
冬至小參釋迦已成彌勒未生恁麼時節東去也得
西去也得無端少林壁觀雪庭隨臂引得一地裏人
如荷一百二十斤重擔上羊頭嶺一般及乎詰其端
由依舊不出箇仲冬嚴寒布棍赫赤報恩久默其要
不務速說

復舉五祖演和尚示眾但只喫菓子誰管樹曲录師
云者無厭消老翁得與麼不知來處報恩菓子貴賤
價數高低也要諸人一了知得
上堂舉古德因僧問如何是冬來事德云京師出大
黃師云余以石試人以言試古人自謂全璧而歸不

知身在草裏

謝執事上堂一跳一躑師子嘖呻一新一舊和氣如

春報恩尺不如寸贏得癡坐何也家裏有人
上堂舉臨際合京教化云家常添鉢到一家門首婆
云太無厭生際云飯也未得何言大無厭生婆便閉
却門師云蠅見血鶻提鳩拳來踢報膠漆相投難提
掇處轉風流

天基節上堂定乾坤句今古共遵擒虎兇機一弄九莫
辨以此助無為之化四海晏清以此祝無上之尊万
邦衞璧時臨聖誕頌啟珍筵一句無私如何舉似卓
主丈暗消溪畔雪輕拚壠頭梅

言準和尚至

徑山無準和尚至上堂舉仰山道東寺師叔若在慧
寂不致寂寞師云仰山飲水貴地脉報恩以貧作富
豈敢効輩未免借一條小路子行何故擊拂子移花
無蝶至買石得雲饒

除夜小參去年貧未是貧守株待兔今年貧始是貧
認賊為子去年貧無卓錫之地癩狗繫枯椿今年貧
錫子也無和賊納款與麼與麼三百六十日循環不
已不與麼不與麼七十二氣候去復還來抱橋柱澡
洗底到底不知依樣畫葫蘆底轉增妄想直饒輓到
結交頭依舊眼睛烏律律報恩莫有方便麼卓主丈
皇天苦屈

復舉疎山示眾老僧咸通年已前會得法身邊事咸

通年已後會得法身向上事師云古人明修棧道暗度陳倉山僧端平二年住此山牽長補短隨分過時若果是法身邊事果受飲牛許由洗耳

正曰上堂年年是好年日日是好日為甚有新有舊若道得箇隔手句子許你鑽輪峰頂翅足大洋海底算沙不然野火燒不盡春風吹又生

上堂舉藥山示眾我有一句子待特牛生兒即向汝道時有僧出云特牛生兒了也為甚不道山喚侍者將燈來其僧便歸眾師云者僧歸眾太速蹉過藥山上堂春風如刀春雨如膏衲僧門下何用匆匆

上堂舉資福因僧問古人拈椎豎拂意旨如何福云古人恁麼僧再問福便喝師云好大衆如馬前厮撲者僧若恁麼有甚資福

重午上堂人間四百病病病有藥唯有毛羽難醫直饒善財信手拈來也只是對病與藥要且不得無病之藥且作麼生是無病之藥卓主文先要已口

上堂涼颺乍起玉露初垂蟬噪高梧蛩吟古砌發揮臨際在黃蘗處喫棒底意旨誰肯承當直饒言外知歸也是秤推齋醋

上堂舉玄沙問鏡清云不見一法是大過患汝道不見甚麼法清指露柱云莫是不見者箇法麼沙云淋

中清水白米從汝喫佛法未在師云也好莫是兩字
會麼寒雲抱幽石霜月照清池
退院上堂舉高亭隔江見德山便乃橫趨而去後來
開法承嗣德山師云高亭只見錐頭利不見鑿頭方
當時若過江來豈止住院有人會得主丈子兩手分
付不然雲在嶺頭閑不徹水流磻底太忙生

報恩語錄終

慶元府顯孝禪寺開山語錄

侍者

無隱

編

師入寺上堂祝 聖畢次拈香奉為華律為禪功德

主侍讀尚書資陪祿業師就座

乃云青蓮瞬視數 矢知歸逝代相承難圖滋蔓直得

天回地轉虎嘯龍 浦珠還雲山改觀所以道大

人具大智大機得大用翦蜂房為獅子之窟變荆棘

作旃檀之林香風四馳狐兔屏跡以此建法幢立宗

旨以此報君親助聖化然雖如是且君臣慶會一句

作麼生擊拂子九萬里鵬纒展翼一千年鶴便翱翔

復舉良遂座主參麻谷谷見來携鉏去鉏草次日又

來谷便閉却門遂因此契悟乃云和尚莫謾良遂好若不來見和尚幾被十二分教誤却一生遂將房計賣却作一罷講齋示眾云良遂知處諸人不知諸人知處良遂捻知師云禮非玉帛而不表樂非鐘鼓而不傳是則是量才補職就中此子請訛只是無人檢點得出

上堂舉金牛和尚每日齋時自將飯於僧堂前作舞呵呵大笑道菩薩子喫飯來師云等是普同供養誰知飯裏有沙
冬至上堂僧問羣陰消盡一陽復生衲僧家到此如何轉身師云老鼠入牛角僧云和尚忒殺方便師云

仁者見之謂之仁

乃舉趙州因僧問如何是祖師西來意州云庭前栢樹子僧云和尚莫將境示人州云我不將境示人僧云如何是祖師西來意州云庭前栢樹子師云趙州割已利人明月夜光多逢接劍忽有問顯孝如何是祖師西來意只向他道山深無過客終日聽猿啼
上堂言而足終日言而盡道言而不足終日言而盡物且道道與物是一是一若道是一為甚麼客山高主山低若道是二為甚麼天地一指萬物一馬箇裏貓素得出還你草鞋錢不然但願來年蚕麥熟羅睺羅兒與一文

上堂杜宇不如歸竹鷄泥滑滑深山崑崖中誰道無佛法有佛法衲僧只有三隻襪

上堂舉長鬚廊下見僧問訊鬚云步步是汝證明處還知麼僧云不知鬚云賴汝不知若知我堪作甚麼僧便禮拜師云長鬚垂釣綆短不構深泉者僧故乖好與連腮一掌作家分上鳳林吒之

上堂渾似今日達磨大師添多少光彩更若踏步向前便不是了也

上堂顯孝盡力只爲得中下之機要且不爲得向上之機主丈子不學出來大笑道大丈夫漢等是爲人何不教他脫籠頭卸角獸如白衣拜相一般說甚麼

向上向下山僧道主丈子你果然作家我不如你

除夜小參年去年來迎新送舊山僧謾諸人一點不得木盡三十日小盡二十九諸人謾山僧一點不得既知賓主不相謾彼此喫飯須論噓衲僧家各有一片田地年頭至年尾在裏許作活計只是踏不著縱饒踏得著埋沒已靈孤負先聖且道是甚麼田地擊拂子春來草自生

正旦上堂拈主丈不得道著新年頭佛法禪和家面噤噤地那裏肯隨時逐節顯孝從來柳下惠卓主丈伏惟狸奴白牯履茲而去各各水草常甘無致鬚長毛瘦

上堂舉大愚辭歸宗云你向甚處去愚云諸方學
五味禪去宗云我者裏有一味禪為甚不學愚云如
何是和尚一味禪宗便打愚云我會也宗云道來看
愚擬開口宗又打師云是則是青出於藍而青於藍
若其交鋒之際冰生水寒於水則未可也

解夏上堂十五日已前休十五日已後住正當十五
日休也休不得住也住不得何故况諸人九十日內
各各所證法門未嘗一一引驗以主丈畫一畫過

上堂舉雲雨因僧問初秋了又未前程忽有人問未審
對他道甚麼閉云大眾退後僧云過在甚麼處閉云
還我九十日飯錢來師云者僧是王小波草鞋雲門

雖縱奪可觀未免暗中著箭

上堂山僧恰似抱璞者但欠臨風涕泣不道舉世無
又只是可惜許

上堂舉玄沙示眾諸方盡道接物利生忽遇三種病
人作麼生接患盲者拈推豎拂他又不見患聾者語

言三昧他又聞患啞者教伊說又說不得若接不
得佛法無靈驗師云大凡病豈止乎三種玄沙恐人

不能接又憂佛法無靈驗老僧不惜眉毛試接此三
種人看卓主丈盲聾啞底近前來又卓主丈不得

孤負老僧更若不會又與你不箇註脚卓主丈平生
肝膽向人傾相識渾如不相識

上堂尋常開著口合不得蓋不在乎語言之間若涉
語言摩竭提國遂成虛設畢竟在那裏卓主文巡人
犯夜

上堂常年九日籬下黃花粲然在目今秋早甚未見
一枝賴得汾陽老人有一句子不妨應時及節且道
是那一句喝一喝

顯孝語錄

慶元府瑞嵩開善禪寺語錄

侍者

尤閱

編

師入寺指山門出出入無非與汝諸人共者一路
子因甚不知門限高低喝一喝

據方丈爐鞴之所鈍鐵尤多阿那箇不受鉗錘以主
丈畫云過者邊立

指法座說如建瓴坐如山嶽就下平高咬牙爆爆

師拈香祝 聖畢欽衣就座云离婁極力白浪滔天

罔象無心神珠歷掌不涉化機如何相見有僧出便

唱師亦喝僧打一圓相便禮拜師云恠力乱神

乃云大道只在目前要且目前難覩欲識大道真體

不離聲色言語與麼說話大似折草量虛空衲僧家
不求諸聖不重已靈取上眉毛早已蹉過說甚麼口
頭聲色野狂鳴獅子吼三千里外不敢擡眸直饒臨
際德山棒喝交馳且請束之高閣何故擊拂子自從
金革銷聲後惟聽堯民擊壤歌

復舉本朝大宋皇帝托起寶鉢問王隋相公既是大
庾嶺頭提不起因甚在寡人手裏相公無對後來慈
明代云陛下腕頭有力師云君臣慶會日照天臨若
是九庾嶺頭底物歸有主

當晚小叅僧問承聞和尚有言衲僧家不求諸聖不
重已靈還端的也無師云聽教分曉僧云只如三條

椽下明甚麼邊事師云兩箇石人相耳語僧云與麼
則德山臨際倒退三千師云也恐如此僧云人天交
接兩得相見一句作麼生師云大家在者裏僧云非
但大眾觀光學人小出大遇師云偷心鬼子僧禮拜
師拈拄杖云若是我虎丘直下如積世富兒一錢不
亂使箇箇生生惺惺局局促促只因家法太嚴以致
門庭冷落山僧沒興也撞入者保社被人喚作松源
嫡孫可謂浪得其名今夜已展不縮未免向無人著
眼處拈出一星子也教諸人知道十二峰頭元有靈
芝僊草草主主
復舉感首座問法昌昔日北禪烹露地白牛今夜分

或有何施設畱云臘雪連天白春風漫戶寒感三大
衆喫箇甚麼畱云莫嫌冷淡無滋味一飽能消万劫
飢感云未審是甚麼人置辦畱云無慚愧漢來喫也
不知師云感首座當時若向一飽能消万劫飢處道
箇謝和尚供養管取法昌拔貧做富

元正上堂嘉熙紀運淳祐開圖曆數既長倒指難數
且道今日是甚麼日卓主丈辛丑歲首烏飛兔走
天基節上堂河出圖洛出書雷霆變化鬼神莫測其
由且道是何祥瑞良久聖人復生

上堂舉趙州因僧問至道無難唯嫌揀擇是時人窠
窟否州云曾有人問我直得五年分疎不下師云觀
大海者難為水遊聖人之門者難為言不因者僧難
見趙州老子

謝維那上堂古佛只在椎頭每日呼來喚去非惟綱
今清嚴下下要分緇素興化當年錯用心月明豈在
珊瑚樹

上堂舉趙州侍者報云太王來也州云大王萬福侍
云未到州云又道來也師云趙州年老聽事不真侍
者王今已行猶在門外

上堂舉臨際因趙州遊山到院後架洗脚次際便問
如何是祖師西來意州云恰值老僧洗脚際近前作
聽勢州云會即便會啻啄作甚麼際便歸乃丈州云

洗脚際際即是道
州即是

大王來也

三十年行脚今日錯為人解註師云攫金者不見又逐鹿者不見山

上堂舉瀉山問仰山寂子心識微細流注無來得幾年仰山不敢答却云和尚無來幾年矣瀉云老僧無來已七年瀉山又問寂子如何仰云慧寂正開師云古人及盡玄微猶恐走作今人只管孟八郎道捻是五逆人聞雷

上堂舉來山示眾若論此事直須揮劍若不揮劍漁父棲巢師云來山未得與物俱化致令影草之流認驢作馬

結夏小叅等是恁麼時節何不便領取去西天廣額

旃陀羅放下屠刀我是千佛一數可煞性燥若約衲僧門下猶是半提而况立期立限坐守化城比擬張麟兔亦不遇息畔交尋常多是向三句前兩句後放一線地與諸人整頓手脚若也知慚識愧九十日內不得忘却老僧

復舉瀉山大安和尚示眾有句無句如藤倚樹踈山叅問次師云矮師叔當時若向瀉山未肩已前得箇瞥脫處免得認聲色之流東卜西山今既漏遠千古之下豈曰無人卓主丈住住趕人不得趕上
次日上堂有一人曰銷萬兩黃金同此聖制只是無人認得若有人認得却詐供曰銷萬兩黃金

堂舉五洩初參石頭洩云一言相契即住不契即去頭據坐洩便行頭云聞梨洩回首頭云從生至老只是者箇回頭轉腦作甚麼洩於言下大悟師云捆載而往垂橐而歸

上堂舉崑頭示眾大九唱教須從無欲中流出三句只是理論咬去咬住欲去不去欲住不住或時一向不去或時一向不住應庵拈云從上老漢須得箇此子說話師云崑頭若行一丈應庵只行八尺崑頭若行一尺應庵只行二寸何故從來把本修行不敢棄嫌因果

瑞崑語錄終

慶元府萬松山延福禪寺語錄

侍者

德溢

編

師在啓霞受請辭眾上堂拈拄杖云此事在通人分上不可以言言不可以跡跡設使言跡雙泯猶落斷常之見而况朝遊夕處賓主歷然見短鶴長彼此知有雖作萬松孤頂雲終憶霞峰老人石臨風一曲別有希聲水遠山長如何按指卓拄杖

復舉長慶示眾撞著道伴交肩過一生參學事畢也是靈龜曳尾山僧自退芝峰託跡于茲三歷寒暑又勝他古人者多矣今過海山可無攀感綴成一偈以表分違
影窮原願出扁曉雲如送又如迎因思執

手經行處幾聽沙泉遶磬鳴

師入寺上堂祝

聖畢就座僧問聲前一句不墮常

機轉位就功如何相見師云問訊不出手僧云且道

天子萬年作麼生師云瑞草生嘉運林花結早春僧

云直得九州四海雷動風馳師云出門惟恐不先到

僧云如何是延福境師云天高蓋不盡僧云如何是

境中人師云月到中峰猶未歸僧禮拜

師乃云迦葉門前箇箇踏著問之則便道不知老胡

帶來人人知有明之則便道不會衲僧家如刺蝟子

無你近傍處因其聞鐘聲各各披七條與麼會去純

樂無爲之化追回太古之風便見耕田鑿井一作作

息自然不敢違時失候然雖如是畢竟以何為驗擊

拂子九臯鶴舞威音外三島花敷大塊初

復舉孝宗皇帝問佛照禪師世尊雪山六年所成者

何事佛照奏云將謂陛下忘却師云君臣慶會日照

天臨翰旋造化之元樞奮發風雷之大用然雖如是

還知太平無象麼

當晚小叅僧問安居禁足西天令嚴和尚為甚明知

故犯師云不因樵子徑爭到葛洪家僧云文殊三處

度夏未決衆疑和尚來自霞峰羣心鶴望還與文殊

相去多少師云好事不在匆忙僧云大善知識豈無

方便師云老僧罪過僧禮拜師云謾我即得

乃云大家在者裏誰敢謾你諸人若各各道頭知尾
去却人我擔子自然長者長法身短者短法身目連
鷲子無你著眼處山僧尋常不曾與人下註脚你若
向隔山見煙便知是火處會去又爭得今夜已展不
縮未免東拏西撮一上子且作死馬醫
復舉雪竇示眾龍泉與刀斧同鐵利鈍懸殊鷲與
驥馬同途遲速有異酌然酌然一出入半合半開
平展之流試辨緇素師云明覺一代龍門只是取捨
之心未浪山僧毛凡道等一目而歸之何故切
上堂舉瀉山問仰山大地眾生業識忙忙無本可據
子作麼生知得他有之與無仰云某甲有箇處時

有僧從面前過仰召云闍梨僧回首仰云者箇便是
業識忙忙無本可據師云仰山有知人之鑑只是用
處太過山僧則不然他回頭我稽首折半裂三捉襟
見肘

解制上堂護鵝之戒如雪守臘之行若米也是田單
火牛初僧家朝三吳暮百越正恐坐在者裏萬松有
箇道處只是諸人未肯點頭

上堂舉趙州訪茱萸上法堂東覷西覷萸云作甚麼
州云探水萸云我者裏一滴也無探箇甚麼州以手
文靠壁而出師云盡道一滴也無鼓起滔天之浪殊
不知趙州平白失却一條杖子

挂新鐘訪監收上堂千鈞之木器已自陟樓萬斛之
 璣珠已自入廩衲僧家捧腹鉢堂開單展鉢且道承
 誰恩力卓王丈不是少林客難為話雪庭
 上堂舉仰山因僧問法身還解說法也無仰云我說
 不得別有一人說得僧云說得底人在甚處仰山推
 出梳子滿山聞乃云寂子用劍刃上事師云滅却為
 仰一宗只因此語
 上堂舉趙州問僧曾到此問麼僧云曾到州云喫茶
 去又問僧曾到麼僧云不曾到州云喫茶去師云趙
 州一處打著一處打不著萬松見僧亦不招茶亦不
 相問何故自從賢聖法來未嘗殺生

上堂舉德山因僧問從上諸聖向甚麼處去山云作
 麼作麼僧云勅點飛龍馬跛鼈出頭來山休去來白
 山浴次僧過茶山拈僧背云昨日公案作麼生僧云
 者老漢今日方始瞥地山又休去明覺拈云德山以
 己方人者僧還同受屈師云盡謂恒山之蛇觸之則
 首尾俱應殊不知一得一失靈寶是則是傍不甘要
 見德山遠在

元宵上堂今夜處處燒燈以導上帝萬松隨例也燒
 下梳晉請四聖六九同入此影子裏頭出頭沒設有
 不入底拈起德山杖子劈脊便打何故過去燈明佛
 本光瑞如此

佛涅槃上堂今日則有明日則無釋迦老子一生賣
峭臨苑自納敗闕致令後代兒孫箇箇以鯁為目萬
松丈人屋上之烏與之救者拈起主文吹一吹
上堂破家散宅毀祖滅宗不挂條絲獨超象外此人
只會得接手句未且透關眼若能洗面摸著鼻喫茶
濕却嘴許你是半箇衲僧未可全展鉢盂喫飯
上堂放一線道四方八面絕遮攔收一毛頭無邊刹
海煙塵起不收不放萬松口似磑盤是汝諸人也須
救取

上堂舉白雲端和尚示眾古人留下一言半句未透
時撞著鐵壁相似忽然一日透去方知自己便是鐵

壁且道如今作麼生透乃云鐵壁鐵壁師云白雲恐
人不會只管依文解義衲僧家勸万象於目前擲虛
空於掌上猶是轉句况那邊事耶

上堂舉臨際示眾我於先師會中問佛法大意三度
被打如蒿枝拂如今思得一頓誰為下手時有僧出
云某甲下手際拈捧僧擬接際便打師云者僧其實
只要見盡臨際

上堂拈主文面赤不如語直道道靠主文云主文子
不是患聾便是患啞

上堂舉嵩頭問僧甚處來僧云西京來頭云黃巢過
後收得劍麼僧云收得頭近前引頭云因僧云師頭

延福

落也。呵呵大笑。僧後到雪峰。峰云甚處來。僧云嵩頭來。峰云嵩頭近日有何言句。僧舉前話。峰打三十。主丈趨出。師云者僧當時若向嵩頭笑裏。知機。雪峰主丈子更長也。打他不著。
赴雙林。辭眾上堂。入息不居。陰界出息不涉。萬緣為甚麼。棄萬松入雙檣。會得主丈子束之高閣。不然自笑。一生無定力。行藏多被業風吹。

延福語錄終



